

















陳留阮維則

萬里風波百折難天君不以利難難身事遠美大願

望半世空成夢

儒冠今觀太

并正失偶

題常宗

校書誰稱詩

材易主班迎猶在之

次說微君詩

身而誰如世律慶常然



公孫何人謂似漢廷

天地下負

和海得

難身事遠美大願







陳留阮維則

萬里風波百折難，夫君不以別離難。  
望半世空成夢裏歡，誰復為文招海賈。  
儒冠今觀太史書，貞節不媿幽魂地下看。  
且須教子服

丹丘吳儁

題常宗王君莊節婦傳

抗節誰稱斷臂婆，皇天空谷照貞姿。  
相易主班迎獨任之，倪瓚

次倪徵君韻

貞節誰如恤緯婆，凜然松柏歲寒姿。  
貞節誰如恤緯婆，凜然松柏歲寒姿。



簡班史文章復見之

呂楨

陳母當年事可論良人早沒一身存倚妝忍對襁兒  
面剪絰重招海曾魂大節已曾書太史壽儀方喜祝  
諸孫清朝正此崇貞孝停看烏頭表大門

長平殷奎

嗚呼五季之時忠臣節婦苟無歐陽公之文以發之  
則其精神心術殆不能光顯明白若是今觀宗常王  
君陳節婦傳益有以見操史筆之不易也

張紳

春草堂記



余官京師時嘗見蜀郡王君常宗傳溫陵陳節婦事甚偉及解秩還吳節婦之子彥廉方僑於郡之東倉葉堂海上奉其親來居取唐孟貞曜詩語扁曰春草介友人徵予記焉余雖閑居田里文思荒落然既嘉節婦之行又喜其有子也於言能遂已乎夫貞曜之詩言人親之愛子於其有行也念慮周至如此區區之孝不足以報其恩猶寸草之微無以答三春之暉斯固為：游子者作也自海內兵革人子之行役於遠貽親之念如孟詩所云者蓋不可勝數皇上啓運脫吾民父子於水火欲與之休息使陟岵鵠羽之音



不作故如彥廉者皆得以養其親而樂於畎畝之中  
何其幸邪彥廉既能不自侈逸力營斯堂以娛親心  
以稱上意且不敢苟以為足又取此詩末章之誼名  
堂以自厲焉豈不重有可嘉也哉當春陽既舒土膏  
潤沃彥廉從其親游於斯堂之上顧草之生於庭者  
甲穎發圻取是詩載歌而興起之則愛敬之心有不  
與之油然而俱萌者乎雖然時有代謝則春有時而  
徂物有榮悴則草有時而衰親之恩無窮則子之思  
報者無時而當已也彥廉知此而求之凡所以致養  
者朝夕若不及使吾親融、熙、以樂餘年於昇平



和氣之中則斯堂之勝無時而非春無草而不榮矣  
若余不幸早失怙恃欲報之而不可得行視丘隴於  
霜露秋草之間彷徨怵惕思欲如彥廉者其可得邪  
以余之欲為彥廉而不可得則凡得為彥廉者可不  
思所勉哉詩曰孝子不匱永錫爾類彥廉歸寘可說  
於壁俾登堂覽觀者亦或有興起之心也夫洪武四  
年九月渤海高啓記

春草美陳孝子也孝子築堂海上以養母以春  
草名豐城余詮故作是詩也

嘉爾春草煥乎堂楣游子有懷朝斯夕斯 草之於



春如苗芄：宜爾令母福祿攸同 孰不有母甘旨  
有違春草有堂孝養及時 孝養伊何定省溫清顧  
瞻春草寤寐是警 春有代謝草有榮枯母恩汪濊  
終古不渝 太史有文我歌以續允百君子春草是  
勗 春草六章：四句

春草曲

有序

春草堂者陳母莊奉養之所也莊以貞節著其子  
彥廉恐其事湮沒請于翰林危太朴以作傳高季  
迪以作記可謂能盡孝者矣予嘉其志遂作春草  
曲一解使歌以悅其母之心是亦古風人之旨也



春草堂前春日好春陽終動勾萌早裙腰一帶湖上  
隄今見羅生堂下道烏銜樹中顛倒植猶托孤根土  
膏抱萋迷綠色宛如剡雨露滋榮不枯槁堂中阿婆  
鶴髮垂蘭佩萑瓔珠絡襟草心游子念恩愛坐抱春  
暉祝難老祝難老願莫違合歡忘憂豈殊種蝴蝶忽  
來飛上衣春明芳草履綦迹一度春風一度宜

淮海秦約

春草記

春之為令始四令也三令之氣皆所以終春之氣不  
有其始曷於以終春之氣也蓋亦博且大矣凡物一



受春之氣而草木其易生者草之為物一苜而槩原  
隄信宿而窮莽蒼其尤易生者乎以易生之物而受  
博大之氣天地之間無隙壤矣然春之生物也不自  
德而受其生者則不可不德之也天地者萬物之父  
母而春者父母之生氣也受其氣則當知其所自出  
一草之微猶然非草之微者其謂何哉人之於天地  
之間猶草之盈壤地也草之盈壤地無知也猶當不  
忘其所本人之於天地之間亦靈矣顧可忘其所本  
乎天地者吾祖之所本吾祖者吾親之所本而吾親  
吾之所本也吾之所本報之宜如何耶即其能為而



為之不遺其餘得為而為之不至於過亦足謂報之  
歟古人所以興寸草之心難報三春之歎也烏乎昊  
天罔極終能遂其報哉雖然盡其道以自治存其心  
而不懈亦孝子之善處矣溫陵陳彥廉氏題其奉親  
之堂曰春草徵予申其義也為是說以詒之太原王  
行

### 春草辭

陳母莊蚤寡以貞節著聞其子寶生字彥廉能養  
嘗作堂奉母且自謂母恩無窮而難報因取孟貞  
曜游子詩語扁其堂曰春草高太史季迪既著為



記予復作為春草辭使歌以壽母蓋欲子之心與  
母恩同無窮也其辭曰

春草兮青々羅生兮滿庭望王孫兮不歸紛百草兮  
愁人叶如之翻結幽蘭兮佩之采莫采兮江離東風

發兮芳渚晞朝暉兮以雨蓀亦樂兮有母叶蒲補翻

日承顏兮堂下叶後五翻把瑤草兮瓊英叶於良翻

日方永兮歲未央羗進拜兮羞予觴春欣々兮百草

生叶傳王翻草生兮有心叶思容翻春復春兮焉窮

蜀郡王彞造

春草詞



泉南陳彥廉氏少孤終鮮昆弟作堂於媿之上奉  
其母莊以居名之曰春草為製春草辭六解俾寘  
之堂壁或可少勗孝養之意云

堂上采衣斑戲舞虞親顏俯省堂下草生意待春還  
春還芳草碧子長賴母力草色有枯榮母恩無終  
極嚴霜推老幹弱蔓緣孤根春至清陰滿難耐雨  
露恩既無池塘夢曾作王孫遊願身化為草根葉  
鎮相樛薰風被荃葛兒衣衫締綌一縷與一絲咸  
自母手續主婦能調膳升堂具旨甘艸蔬即自飯  
舉案對宜男汝陽袁華



春草堂賦

夫人之異乎草木者惟心而已矣况春芳之發妍見  
生物之流靡布陽光之滿目溢和氣之千里或芟甲  
之怒生或肖翹之並起彼敷秀而揚英皆連芳而競  
美雖小草之含滋亦春陽之所被感弱質之無情念  
生成之有自時其芳雨既歇新綠乍搖碧波如剪翠  
烟未銷曳羅裙之一色迎舞袖之雙飄乍豐茸之既  
接忽空濛之已遙沐晨光於晞露散芳氣於微颺烟  
融暖以薰人日照影而齊腰鳥飛沒而青山欲盡人  
醉卧而紫駟不驕張王孫兮歸未得思美人兮不可



招歎金谷之銅駝連別愁之丹：慨姑蘓之麋鹿接  
廢苑之蕭：豈若春藹華堂雲連新構高風清節秀  
眉上壽散簾幙之春暉炫庭軒之白晝映鶴髮之慈  
顏承綵衣之輕袖並綠筍以俱長偕紅萱而競秀表  
慶澤而彌芳吐華滋而益茂於是詠白華之句誦柏  
舟之篇悼嚴親之既歿當賢母之盛年抱遺孤而掩  
泣守初志之弗諼念劬勞而撫育寔保護而生全心  
不移而匪石恩因極之如天母之恩兮天罔極欲報  
之兮心靡忒見芳艸兮青：益思永夫大德草生兮  
堂前願母樂兮高年母在堂兮壽且賢樂承母兮笑



言草生兮堂下上堂兮酌醕兒欣：兮樂且舞願祝  
母兮多祐母之心兮載寧堂之草兮載榮母何期于  
報効草焉知其發生彼孝子之至懷守慈訓而服膺  
諒人心之有托感物類之無情嗟夫古今殊時性情  
一致念行役者詠北堂忠伯之詩賦別情者歌南浦  
斷腸之句池塘夢裏之獨吟風月庭前之交翠是皆  
風人之所致辭靜者之所取譬惟孝感之無窮仰思  
私而弗替常存愛日之誠式副命名之義蓋必登三  
吳陳母之堂然後識千里孟郊之意也耶謝徽撰  
春草軒中隱几坐中有袁髯閑似我欲浮青海狎羣



鷗擬向鷓夷借輕舸二月水暖河豚肥子苦留我：  
懷歸半鎊雪浪熏香茗掃榻蕭條共掩扉麝煤蠶紙  
齊梁筆寶繪珍題品神逸洗滌古玉龍眠池臨榻奇  
蹤淨名室紅蟲捲碧春將酣檳榔萋葉嚼香甘夜闌  
更鼓湘瑟妃笙磬同音咏雅南別君此去何草：山  
為迴旋海為倒令威白鶴會重來世人胡為易衰老  
倪瓚是日袁君子英同集軒中壬子正月九日也

春草堂詩

維林之隈維水之涘有美斯堂匪華匪侈 登堂云  
誰燕豈之親下堂何有小草咸春 春日暉：春草



離：罔極曷報我心傷悲 春日照：春草萋：旨  
甘孔足我心徂熹 暎彼春草一歲一榮親年弗載  
靜焉忽驚 日徃斯測日來斯惜毋金玉足寶所寶  
維日 豈惟安之室虛之崇豈維奉之口體之豐際  
地極天其曷能窮 百年斯終多罹物迁幸雖有恃  
永哀失怙願今終身不離膝下始終厥事靡不由度  
何辰云良祖躋公堂春酒斯饗以稱眉壽以祝具  
慶

林隈九章六章：四句一章六句一章八句一章  
五句 句吳張適



綦履鳴珮左右間佳兒佳婦及承歡天迴白日臨瑤  
席露洗紅萱出畫闌小爵注春宜燕適長裾曳翠可  
高寒升堂拜母俱名士一記何慙在史官

廬陵張昱

寄題陳氏春草堂

青：草色映簾惟壽母朝：玩綠滋有句不緣春夢  
得旁人錯道謝家池 始豐徐一夔

海宇昇平今一統化日熙：萬家共孝子堂前愛景  
長霞絢晴光浮畫棟東風百草映堦生綠縹幽蕞若  
新種生意應從樂土滋獨訝芳心露偏重孤衷未足



報春暉陟陟仍懷九泉痛每歎懽情不及施觴俎春  
秋寄哀慟猶幸庭闈慰母慈孝愛深期百年奉視膳  
晨昏有旨甘婦饌中厨子親供笋穿寒谷忽抽萌鯉  
躍冰溪暗消凍承歡已自樂無涯願得長年兩眉縱  
壽酒傾來拜膝前杯面椒花春影動慈容有喜正忘  
憂佳句無人空入夢衣上朝看碧色新母手辛勤表  
微縫兒生宛似草根芽長養還因昔培壅母今白髮  
映顏朱貞節傳人口爭誦題詩誰繼柏舟篇太史升  
堂有新頌

陳留阮維則

春草堂詩



春日遲：昭明有融，芾厥豐草，零露漙漙。父兮母兮，懷允不忘。  
休有烈光，奉：萋：零露漙漙：父兮母兮，懷允不忘。  
念其先人，經營四方，死生契濶，我心憂傷。春日遲  
遲燕：于飛野有蔓草，維葉萋萋：母也天只，思斯勤  
斯長，我育我鷺，子之閔斯，欲報之德，如之何，弗思庶  
幾，夙夜我心不違。春日遲：葛生蒙楚，母曰嗟予  
季行役，適彼樂土，誰其知之，爰得我所有，紀有堂築  
室百堵，自堂徂基，于河之滸，相其流泉：源在左，於  
我居處，西南其戶。春日遲：乃寢乃興，焉得諉草  
殖：其庭子兮，子兮靡依，匪母子有酒食，嘗其旨否。



左右秩：其俎孔碩南有嘉魚或燔或炙令妻壽母  
陳饋八簋洽比其鄰式燕且喜豈弟君子有孝有德  
敬慎威儀其儀不忒天錫繩嘏如岡如阜松松柏之  
茂俾爾熾而昌保艾爾後俾爾耆而艾以介眉壽

春日四章二章十四句一章十二句一章二十八

句集詩句

河南陸仁

余既為彥廉記春草堂士大夫多賦歌詩詠之  
嘗出以示余因復賦五言一首記之明年秋七  
月望也高啓

靡：堂廡草託根近華楹膏露既濯芳惠風復揚馨



匪蒙陽和力孰使微物榮中天  
馱影流青節坐易盈  
但憂德澤違豈惜憔悴并  
願言相蔓結嗟彼春逝程  
寸心雖難報拔法當還生

幾見東風吹草青  
一身偏自念初生  
從今白髮應重  
綠歲：春來母子情  
王彞又題

青：堂前草雨露日已滋  
微風一相過衆葉何紛披  
翳彼堂中人娛養方在茲  
芄：生意足藹：春暉遲  
草榮倏以萎母恩無時衰  
嗟爾孝子心不為寒暑移  
忘憂豈無萱愛日亦有葵  
羅生滿庭階擘玩足自怡  
奉觴介眉壽百年以為期  
我歌春草篇為續節婦詩



江陰張宣

地軸迴陽脉天光變物輝寸莖初被澤尺土盡生肥  
穎發因微雨萌抽藉薄暉白分行迹黑細帶燒痕稀  
厭范含宵潤蒙茸待旦晞野晴光動目江暖色侵衣  
不入詩人夢誰懷游子歸舜田同冉：堯日正霏：  
報本知心切銜恩愧物微願生仁孝地柔綠媚庭闈

吳郡張委

曼端

春草堂銘

溫陵陳彥廉作堂以奉母扁之曰春草蓋取唐孟  
郊詩語也吳郡申屠衡為之銘曰



渠：新堂厥位面陽吾親來居載燠載涼青：草藁  
色映窓牖匪蘭而芳與萱偕茂念昔天寒繁霜夜零  
凝陰慘殺枯萋弗萌陽春旣還百卉均被覆以恩光  
煦以和氣或蔓而延或株而連綠柔風偃碧萋烟綿  
仰瞻陽暉恩深罔極不滋而榮不擁而植寸心之微  
陽德之溥雖欲報之於暉何補報雖弗能奚敢怠忘  
矧於養親及茲壽康時以序遷風景易失吾養無違  
致：愛日物以春榮亦以秋悴吾心有恆匪懈于內  
鼎列肴珍匪浮醴醇融：洩：無時不春人孰無母  
母為節婦人孰無子：孝且友池塘有夢王孫不歸



賦詠雖工風教曷裨凡今之人孰無秉彜載登斯堂  
視我銘詩

陳氏春草堂記

婦以節稱尤義以士稱美斯叔世之論惟是婦士不  
可以節義稱若不可以一德名者斯士斯婦始不為  
斯世異故婦以節稱非婦之幸也甘節不著乎夫婦  
陟方不傷乎釐降柏舟之誓聖人獨悲之易書之世  
詩春秋之世莫得而比矣陳思恭妻莊年廿四嫁踰  
年而生子子生四月而思恭賈海外音問不得聞者  
四載衆謂思恭已死莊悉屏棄華飾織紵為養育計



或諷之更嫁輒慟哭連日夜行路悲焉亡何父母俱  
沒莊無所依矣尤能撫其子使學不廢一日思恭得  
聞歸感莊之義為好日篤明年思恭復航海去竟溺  
死臨中莊居喪人不能堪日課女紅為食且使子就  
外傳今生三十有四載矣績學好義以資張大其族  
大人先生樂與之進茲今五十有八得享其奉安居  
鄉里歲時賓客上堂奉觴莫不咨嗟歎賞以為：善  
之報聞其風者為之震厲自立兵興三十年来其鄉  
里婦女以節義動人耳目者不可勝數皆莊之化為  
然嗚呼自氣運之降天道變于上矣而日月之失度



五緯之錯行天有不得而止之地道變于下矣山崩  
川竭草木禽魚之夭折地有不得而止之惟人也乃  
於天傾地覆之時風頽俗敗之日獨以眇焉一身障  
狂瀾于既倒支大厦於將傾刀鋸斧鑊不得以易其  
守爵祿富貴不足以變其中天道以之而定地道以  
之而寧人紀以之而立則以節義稱之又非婦士之  
不幸矣太史危氏高氏王氏皆為節婦立傳：四方  
矣余別為序次書之于堂以為記使登者有所觀感  
莊子名實生字彥廉堂名春草壬子歲十月既望齊

郡張紳記



武原陳孝子性稟由自然痛父為海賈身沒歸九泉  
母兮志難奪誼不從二天撫育膝下孤辛勤三十年  
孝子既成立慕學崇儒先壽母樂且康采裾映華顛  
堂前女貞木枝幹金石堅堂背護草華顏色春色妍  
女夷鼓天和感物懷其恩色養志母違喜懼心卷  
芳園采冬笋曾冰踊寒鱗楨蔬飯嘉賓道義日討論  
墨星燦絳帙琴薦鳴朱弦茲堂庶永久俗厚風已淳  
援毫挹婁水賦此春草篇

南昌盧熊

泉州西義士傳



孫天富陳寶生者皆泉州人也天富為人外沉毅而  
內含弘寶生性更明秀然皆勇於為義初寶生幼孤  
天富與之約為兄弟迺共出貨泉謀為賈海外國天  
富曰爾母一字唯爾吾不忍爾遠爾母涉海往異域  
吾其代子行哉寶生曰吾母即若母也吾即遠吾母  
惟君以為母吾行又何憂焉於是兩人相讓久乃更  
相去留或稍相輔以往至十年百貨既集猶不稽其  
子本兩人亦彼此不私其有一泉其所涉異國自高  
句驪外若閻婆羅斛與夫東南諸夷去中國亡慮數  
十萬里其人父子君臣男女衣裳飲食居止者好之



物各有其俗與中國殊方是時中國無事干戈包武  
庫中禮樂之化與如也諸國之來王者且驅蔽海上  
而未已中國人之至於彼者如東西家然：以商賈  
往不過與之交利而競貨兩人者雖亦務商賈人異  
國見此兩人者為人有特異也自王化被海外且及  
百年中國之人至彼知此兩人者亦不多也此兩人  
者迺身往其地而親其人使其人皆見而信之有切  
於所傳聞者兩人異姓也長為兄少為弟如同氣然  
異國人曰彼兄若弟非同胞者吾同胞宜何如寶生  
之母蚤寡不載嫁辛苦待其子有成寶生至言其母



事則泣天富亦母事實生母每忼慨為諸國人言其事輒歎歔乃已異國人曰我與彼皆人也人誰無父母夫婦子孫者兩人客萬里裔夷動必服中國禮俗言必稱二帝三王周公孔子又能道今國家聖德神功文章禮樂與凡天下之人材異國於是益信吾中國聖王之道海內外可共行也異國有號此兩人者譯之者曰泉州西義士也中國之賢士大夫聞之亦皆以為然云天富字唯善實生字彥廉今居吳之太倉方以周窮援難為務實生母事別有陳節婦傳  
媯子曰余讀周書王會篇夷之國衆矣而皆納貢周



邦孔子周人也欲居九夷然未往也今孫陳氏以商  
賈往且猶義動乎彼豈其讀古聖王書慕義而行之  
耶不然何其居夷而能若是也古語云放之東海而  
準余於孫陳氏見之矣

至正二十五年秋八月蜀郡王彛生製 汝陽袁

華書

泉南兩義士歌

泉南兩士陳與孫少小相約為弟昆合疏成戚契誼  
重異木纏結如同根升堂握手出肺腑交拜二母開  
壘樽具舟期賈海外域欲度夷燹窮昆命滄溟東望



浸天爛颶風怒攪波濤渾天吳恍惚出怖客掀舞蛟  
鰲飛鵬鷗孫言陳宗唯汝在遠涉巨險吾宜奔汝親  
頭白倚門切慎勿輕去違晨昏相讓不得乃更往挂  
席遙指扶桑曠望山行覓島中國升服通譯侏離言  
尋烟暮投薜荔屋趁虛晝集枕柳村踰年還家喜得  
實木難火齊并瑤琨探囊用取而不較彼我屑：誰  
復論急難相援誓終始時節燕慶烹羔豚義風久已  
動殊俗椎結相見知欽尊我聞同氣有爭利闥墻往  
徃隲家門及看結交喜歲晚盟槃未撤渝情恩管鮑  
居貧乃共濟餘耳微勢終相吞如茲二子古亦少簡



牘可使他年存作歌為繼王子傳薄俗視此應堪教

渤海高啓

余行海上孫君止余其舍座上經生碩士連日夕談  
說不少厭君長七尺餘慷慨負氣節家僮力役百人  
君不急其事獨聽余論議一食不舍去陳君好蓄古  
書史圖籍能一一辯問其義理隱微常抱卷若帙數  
十抵余燭屢見跋尤塵：無窮二君皆有母欲歸省  
造大艘如長陵謂余言將伺風海上南抵泉廣且游  
閩婆高句驪諸國訪異人採藥仙人所居歸以為母  
夫人壽又豈止好義如傳所云余方老且數奔走齊



魯燕趙肌肉消于馬上欲從二君浮舟求郕寧者休  
為二君舍我哉齊郡張紳

昔管夷吾少與鮑叔牙游以義相尚嘗為賈分財利  
多自與鮑不以管為貪知其貧也嘗三戰三走鮑不  
以管為怯知其有母也管仲嘗曰生我者父母知我  
者鮑子鮑知其賢薦于齊桓用為相遂霸諸侯服夷  
狄春秋既傳其事照耀簡冊而後世以管鮑為美談  
至今傳諸人口不泯也泉南孫氏惟善陳氏彥廉  
亦皆以義相處共貨為賈杭海外國孫以陳有母在  
不忍遠出去代其行至貨集羸羨利百倍一髮不自



私亦無錙銖計較于方寸間義聲感動蠻夷異域稱服其美往來萬里華裔間皆談泉南兩義士世常說古今人不相及今孫與陳其意豈異于管鮑哉嗚呼朋友以義合也余每怪世之人不以義處而以利趨當其同利之人暫相黨引同居之際暫相願慕同飲食笑語暫相追逐拜父母托妻子傾心腹露肝膽指天地鬼神為誓生死石肉骨者疑若可信及至勢窮則好絕利盡則交踈一有毫髮利害則付之茫然畧不相顧甚乃反相賊害者有焉其愧于孫陳氏者多矣至如人之兄弟同一父母也手足同一氣也間生



龔隙父母在時視猶塗人親沒酷若仇讐其得罪於  
名教為何如比孫陳氏交雖異姓義同兄弟者又有  
間矣余自閩南來游浙東西過吳門適道多梗遂浮  
海東歸解后惟善彥廉同舟初相見時未知其為何  
人及出示袁子英所書王宗常作函義士傳信知其  
個儻尚義之士也從容間來求余文余據管鮑之事  
以表二公之義又所以為世道之一慨雖然人之大  
倫朋友居一不患人之不能交惟患其交而不能久  
久而此心不移者為難君子慎終如始此全交之道  
也余又於終篇言之以為贈是歲己酉春二月前從



仕郎泉州德化尹永嘉林常伯庸父撰

泉南諸山何欲隘清源洞天仙所都赤朋開劫風氣  
舒玉檢丹書閱神符重樓複閣山之隅鳥道百折非  
一涂雲旂晝下牲犧呼鉤輶格磔啼鷓鴣松檜護  
吹笙芋芝蘭菘蕙春芬敷巴且華黃荔子朱羽人飛  
行天為徒或跨白鹿騎於菟扶以鸞鵠從雙鳧東窮  
弱水窺蓬壺亦有莆田列仙儒以鞭石受驅長  
橋橫波龍脊病下通舟船上軒車流來一髮雲外孤  
蠻蚤出沒乘舳艫南金大貝犀為珠川傾山積來委  
輸九特立青蓮樹秦君屏跡賈不沽閉門著述與



世疎有唐宰相陳諫書謫宦南遷烏在笈室家既遠  
身乃瘡為卜茲山藏其軀感懷友義增歎歎尚存丹  
竈亭已蕪山川清淑氣鬱紆維孫陳君生絕殊提孩  
嬉戲共里閭翻若丹穴雙鳳雛下覽德輝瑞唐虞又  
若汗血天馬駒奮迅豈與駑駘俱南游百粵北燕胡  
悃：切：相友于志堅金石矢弗渝管鮑陳雷張范  
如寧兢錐刀較鎔銖竭來婁江住斯須城南新儼宅  
一區前槐後柳蔭屋廬州蔬同飯步同趨慨彼薄俗  
肆覬覦附勢逐利情愉：刎頸之交漢耳餘反面仇  
敵良可吁以柳易播忠誠孚高風千古敦薄汙歲寒



松柏知後枯好事繪寫開新圖我作歌詩匪從諛願  
子善保慎厥初

右舊題孫陳歲寒圖重書于義士傳後汝陽袁華  
右泉南兩義士傳蜀郡王彛常宗所製也義士者何  
孫天富惟善陳寶生彥庶也兩人者之事常宗傳之  
詳矣余故弗道竊獨因義士之名而日重有感焉昔  
者先王之世人有恒業士農工賈列之四民農以資  
稼穡工以利器用而賈以通懋遷惟士也若無所職  
於其間蓋其服勤乎詩書周旋乎禮樂出入乎仁義  
而被服乎忠信者殆農工賈之不類然亦不能不與



之而俱化也自先王之教不行農失業于稼穡工失業于器用而賈失業于樵爨夫士也于詩書禮樂之化仁義忠信之澤亘百世而不可易者亦相率而喪其所守噫四民失其業可勝歎哉今觀孫陳氏二子之事有不能不為之慨然者矣夫二人者皆以賈為業然皆能以古道自處不屑於貨利而惟義是圖至使遐陬海壤文身雕題之俗樂聞其風皆以義士稱之賢士大夫與之游者亦皆喜談而樂道之抑何以致多如是耶豈非去古既遠先王之教幾絕有能篤古道于寂寥千載之餘君子予之唯恐其或後歟



故夫四民各專其業者分之常也昔也士之業農工  
賈能為之今也農工賈或未失其業而士之業乃并  
與其心而失之農工賈失其失其業不害其為農工  
賈士而失其所守其不為農工賈之所鄙也幾希若  
人者之業固農工賈之一也若人者之心為士者有  
弗之及也業農工賈之業心士者之心余乃今失之  
於此而得之於彼矣余聞名之者實之賓也名弗稱  
其實君子所不道也於此有人焉薄財利崇信義不  
專士之名而有士之實則夫遐陬海壤文身雕題之  
俗稱之曰義士者宜也賢士大夫喜談而樂道之亦



宜也夫既有関于風化之厚傳其可無作乎余懼世  
之人緣名而失其實鮮不致疑於孫陳兩義士也於  
是乎書吳郡謝徽識

泉南兩義士異姓乃同心同心而同居利矣能斷金  
不見橫海虹夢見海畔路夢隨春雪舞迴風思奔逐  
湍向東注委江之水云其波方舟容與湍歸以歌  
落葉不息飄揚無蹤大風雲飛嗟彼斷蓬人生乘離  
式與此同翩者鴻飛鳴相隨睠彼愴人我心實悲  
兄弟戕賊室家瘡痍背義競利曾弗之思兩士相尚  
以義其誰似之倪瓚壬子春



泉南義士行

溫陵向南通海舶敗實諸蕃共為客經年越險入風  
濤往返那復計身勞兩人一心金可斷萬里雖遙何  
足算它人重利不重義翻手風波起平地衆中結交  
非不好中心如面寧可保君家兄弟非一姓肝膽相  
傾向明鏡可憐世上輕薄兒縱為骨肉亦生疑

陳留阮維則

金石交為孫陳二義士賦

金石交金不可折石不可磨泉南二子重義如山河  
金石雖堅無以過泉南之山若礪而嗟峩泉南之水



若帶而委蛇念昔髻髻約為兄弟信誓旦旦生死靡  
有它義士各有母二母相好母視其子視其母恩  
義弗少差歲時具酒食更相為壽樂且和一出一或  
處或同凌風之舸萬里行鱣波南賈真臘與閩婆東  
極三韓及毗羅歸來分金帛私有况彼義讓情尤多  
嗚呼一斗米一尺布淮南至今民尚哦嗚呼時之人  
兄弟相虐朋友為讐奈爾何金石之交古來有二子  
之義甚都可以敦薄俗激貪夫鶴鴒為爾咏伐木  
為爾歌泉南移家來此婁之阿比鄰相接輔車相依  
二母髮已皤石可泐金可磨人心天理無時無猗嗟



二子之義可以為世模豈無好事繪縑素寫作孫陳  
交際圖 樵雪生河南陸仁

泉州西義士贊 并序

余在京師日與太史嵇岳王先生往還邸館論朝  
夕弗怠一日與余言溫陵陳節婦莊之賢甚詳史  
氏以莊在未可預元史姑述之以俟繼而大夫士  
多詠歌之為風俗勵衰成一卷求一言於卷末余  
以事鞅掌未有以復於先生也及還吳節婦之子  
寶生持嵇岳所製泉南西義士傳示余求贈又知  
寶生承家庭之訓尤能行古道於今之時雖欲無



言不可得嘗讀孟軻氏之言曰義人路也又曰義之實從兄是也則是義乃人所舉足而不可離者何世之人舍其路而弗由者滔々衆耶其於所親嘗有物我不肯屈下安知所謂從兄之道乎今觀寶生與同郡孫天富初約為兄弟共賈海外國二子恐皆離其親為憂也乃更相留十餘年百貨俱集並不私有一泉其事親從兄之際曲盡其道周窮恤匱之事咸適其宜較之叔世之事不多有也非特大夫士稱其為義至若遐荒遠陬之夷文身雕題之俗咸稱之無辭焉孟軻氏所謂人路二子



不唯行之於其近而且無遠而不到異姓而親過  
於同胞其於義之實有不可勝用也傳曰不順乎  
親不信乎朋友矣又以見二子平居事親其有不  
順乎哉皆君子之可尚薄夫之可敦也故余既賦  
節婦詩復為贊以附義士傳後云

猗與二士異姓而親隱居行義冠乎羣倫望之玉潤  
即之春溫允矣君子薄俗可敦  
勾吳張適製

右泉州二義士傳廼蜀郡王彛製文汝陽袁華隸古  
事載甚詳觀其初約為兄弟謀出貨財賈海外國時  
俱以母在相讓涉險盖亦恐其危身以累及其親是



亦可悲也及後更相去留歷諸蕃國積十餘年共財  
不私感動蕃國人凡見之不以名必呼為義士是更  
可尚也今俱以老母在堂迎侍東吳太倉左右就養  
菽水之歡如一姓焉是以人士之樂善者莫不升堂  
拜其二母願從其二子游而母子者方以周窮恤匱  
為急不能負而能之乎是更不可不敬也且孫陳二  
士十餘年間歷外國涉巨險而身安母健非有陰隲  
在天則報施善人其能若是之厚也夫廬陵張昱述  
右陳氏節義集春草堂泉州兩義士共三卷諸公  
手蹟俱存惜埋沒里中人罕知之常於名公集中



見題陳彥廉所藏不知彥廉為何人也一日於沈氏觀三卷焉則知彥廉好義又能表母之節於縉紳文字間其名將不朽矣沈氏觀後一載復於文徵明停雲館閱而錄之

鐵網珊瑚書品卷九

















浙江圖書館藏

一九五九年四月





日  
本  
7  
日

陸年 肆月 念 柒日





浙江圖書館善本

甲 登記號：030447

一九 年 月 日














Inches 1 2 3 4 5 6 7 8  
Centimetres 1 2 3 4 5 6 7 8 9 10 11 12 13 14 15 16 17 18 19

**TIFFEN** Color Control Patches © The Tiffen Company, 2007

Blue Cyan Green Yellow Red Magenta White 3/Color Black